

31 Իսկ դարձեալ առնոյր զձեռանէ, դարձեալ տաներ յայն հող Պարսից. ապա աշխարէր զասացեալսն, խոնարհէր բուն հարկանէր զոտից Նորա, մեծապէս ապաշխարելով<sup>1</sup> զղջմամբ զասացեալ բանսն: 32 Իսկ յորժամ առեալ զձեռանէ զնա տանել ի հայ հողն, եւս խստագոյն քան զառաջինսն բարբառէր. իսկ դարձեալ միւսանգամ հանէր յայնմ հողոյն, բանիւք յապաշխարութիւն դառնայր: 33 Յայգուէ մինչեւ<sup>2</sup> երեկոյն այնպէս շատ փորձ փորձեաց զնա. զի իբրեւ ի վերայ հարեալ հողոյն տանէր, խոստացեալ ամբարտաւանէր. իսկ ի վերայ բուն գետնոյն յատակին՝ եւ կայր, ի զղջումն դառնայր<sup>3</sup>:

34 Իսկ իբրեւ երեկոյ եղել ժամ ընթերաց թագաւորին Պարսից, քանզի սովորութիւն էր Յայոց թագաւորին բազմական անդէն ընդ նմին առ նմա ի Նորին տախտին արկանել բազմական, արեւնք էին՝ զի թագաւորն Պարսից եւ թագաւորն Յայոց ի միում տախտի բազմէին ի միում գահոյս: 35 Իսկ այն ար նախ զտող բազմականացն թագաւորացն, որ անդն էին, զամենեցունց կարգեցին. հուսկ յետոյ զկնի ամենեցունց ի ներքոյ բոլորին զկրշակայ բազմականն առնէին, ուր զհայ հողն յատակն հարեալ էր: 36 Նախ ամենեքեան իբրեւ բազմեցան յիւրաքանչիւր չափու, յետոյ ածէին բազմեցուցանէին զարքայն կրշակ: 37 Կրդ եկաց բազմեալ ուռուցեալ վայր մի. իսկ յոտն եկաց, ասեց թագաւորն Շապուհ. Իմ այդ տեղի, ուր դուդ ես բազմեալ. յոտն կաց այդի, թող ես այդր բազմեցայց, զի տեղի ազգի մերոյ այդ լեալ է. ապա եթէ յաշխարհն իմ հասից, մեծամեծ վրէժս ինդրեցից ի քէն:

38 Ապա տայր հրաման Շապուհ արքայ Պարսից՝ բերել շղթայս եւ արկանել ի պարանոցն կրշակայ եւ յոտս եւ ի ձեռս Նորա երկաթս, եւ խաղացուցանել<sup>4</sup> զնա ի յԱնդմըշն զոր Անուշ բերդն կոչեն, եւ այնդեալ զնա մինչեւ անդէն մեռցի: 39 Եւ եղել ի վաղիւ անդր ետ հրաման Շապուհ արքայ՝ ածել զառաջեալ իւր զՎասակ Մամիկոնեան զգաւրավարն սպարապետն Յայոց մեծաց, սկսաւ պատուհասել զնա. քանզի էր Վասակ անձամբ փոքրիկ, ասեց նա արքայն Պարսից Շապուհ. Աղուէս, դու էիր խանգարիչ՝ որ այսչափ աշխատ արարեր զմեզ<sup>5</sup>. դու ես այն՝ որ կոտորեցեր զկրիս այսչափ ամս, եւ զի՞ գործես<sup>6</sup>. զմահ աղուէսու սպանից զքեզ: 40 Իսկ Վասակ<sup>7</sup> տուեալ պատաս-

1 *Օրինակ մի՝ ապաշաւելով*

2 *Յօր. չիք մինչեւ*

3 *Օրինակ մի այսպէս ունի վկերջին հատուածը. իսկ յորժամ կրկին եւ երեքկին անգամ զայս առնէր, եւս խստագոյնս քան զառաջինսն բարբառէր*

4 *Օրինակ մի՝ տանել*

5 *Օրինակ մի յաւելու՝ եւ զքաջս*

6 *Օրինակ մի՝ ամս. եւ այժմ զիա՛րդ կարես ապրիլ ի ձեռաց իմոց*

7 *Օրինակ մի յաւելու՝ բազմաշխատ վահանն Յայոց*